

近代中國史料叢刊第四十六輯
沈雲龍主編

趙文恪公（退菴）

自訂年譜
遺集

趙光著

文海出版社印行

沈雲龍教授主編

近代中國史料叢刊

第四十六輯

文海出版社
印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊

第四十六輯

目錄

W-6205/67

趙文恪公(退菴) 自訂年譜 遺集

趙光著

張文襄公(之洞) 全集 奏議 (光緒五年四月至光緒八年十一月)

王樹枬編

張文襄公(之洞) 全集 奏議 (光緒八年十二月至光緒十二年二月)

王樹枬編

張文襄公(之洞) 全集 奏議 (光緒十二年七月至光緒十四年七月)

王樹枬編

張文襄公(之洞) 全集 奏議 (光緒十四年九月至光緒十八年九月)

王樹枬編

張文襄公(之洞) 全集 奏議 (光緒十八年十二月至光緒廿二年正月)

王樹枬編

張文襄公(之洞) 全集 奏議 (光緒廿二年正月至光緒廿七年六月)

王樹枬編

張文襄公(之洞) 全集 奏議 (光緒廿七年七月至光緒三十年七月)

王樹枬編

張文襄公(之洞) 全集 奏議 (光緒三十年八月至宣統元年八月)

王樹枬編

張文襄公(之洞) 全集 電奏 (光緒十年閏五月至光緒三十三年八月)

王樹枬編

同治四年二月二十日內閣奉

上諭刑部尙書趙光持躬恪慎歷練老成由翰林洊陟
正卿歷事四朝疊司文柄擢任刑部尙書十有餘年
勤勞懋著倚畀方殷昨因乞假當經賞假調理遽聞
溘逝悼惜殊深趙光著照尙書例賜卹派郡王衛員
勒溥莊帶領侍衛十員卽日前往奠醊任內一切處
分悉予開復應得卹典該衙門察例具奏欽此

--	--	--	--	--	--	--	--	--	--

諭祭文

朕惟刑政掌夫三典正資明允之功尙書應乎六星頓
掩寒芒之色念勤勞之久著宜卹典之優嘉特播彝章
聿頌嘉薦爾原任刑部尙書趙光端謹持躬恪恭盡職
蜚芳聲於玉署轉峻秩於烏臺酒醴輸誠襄司鼎而繼
尊七祀絲綸播美作納言而旋執三章頻簪白筆以增
榮爰典紫泥而宣誥威揚虎帳佐戎嚴軍旅之籌澤泯
鴻啓課績重度支之竿操冰衡於江浙頌洽輔軒羅玊
網於梁柰材摻楨榦濟陽獻獄一到而吏懷霜清銓部

兼權再攝而人欽風峻擢冬官而正位趨講幄以論思
寶錄輝煌勤編摩於緡帙祥刑欽恤領職守於雲亭聽
曉漏以趨承驂騶徐控防重闈而訓練鵝鶴聯班禮部
掄才培英俊而廣栽桃李武闡角藝別材能而備選干
城垂紳則歷仕四朝老成倚賴嬰疾則甫經八日溘逝
驚聞環覽遺章殊深軫悼於戲躬昭鞠瘁彌申篤棐之
丹忱氣達馨椒永播徽猷於彤史芬苾載潔靈爽惟歆

御賜碑文

朕惟宣力扞誠掌邦刑而弼教飾終表禮昭祀事以酬庸既資委任於生前宜備哀榮於歿後爰施鳳綵式煥晴文爾原任刑部尙書趙光積學深醇植躬端謹館入雕龍之選車叨飾鷲之榮職佐拜勳才堪明律難經則英辭伉伉掌綸則溫詔煌煌累推令望於棘廷還著威稜於霜簡鳳池晉秩標學士之丰儀虎旅嫺韜贊雄師之偉略位更襄夫秋典丹筆宣華階轉厯夫地官青榆定法岡成括象擢正卿而懋飭五材道重修身趨講幄

而精參六籍瓊冊紀手編之續璀璨成文雲亭展頌袖
之才慈祥種德衛甸而聲銷風鶴趨朝而步穩花駟玉
尺頻操江浙之菁莪蔚秀朱繩疊握梁秦之杞梓騰芳
培芸館以儲珍士多藹吉馳星旌而折獄俗泯譁張文
學備武備齊諸拔英俊則典聞矢慎戎政與農曹再攝
考循良則課吏尋權周司寇之詰姦胸珠悉照虞士師
之執法肺石無冤方倚畀之彌殷何淪俎之遽告用深
軫惜宜予褒嘉表厥生平諡之文恪於戲翠珉雲臺松
楸垂累葉之榮丹旒風淒楨榦愴良材之萎式頒異命

永勒豐碑

--	--	--	--	--	--	--	--	--

國史本傳

趙光雲南昆明人嘉慶二十五年進士改翰林院庶吉士道光二年散館授編修三年丁母憂六年丁父憂八年服闋十二年三月充會試同考官六月充陝西鄉試副考官十一月授江南道監察御史十三年正月充抽查漕糧四月奏言本年東省漕糧到橋節次查出潮溼攙雜粟米一萬五千餘石此次爲數無多已覺辦理掣肘若南糧跟接轉運卽照例掣量尙且日不暇

給再有潮溼攙雜殊屬滯礙難行查漕糧積弊不在沿閘而在外河糧剝乃致弊之源沿閘非作弊之所故外河查驗石壩抽查爲杜弊切要關鍵與其到橋探驗籌辦諸致稽延曷若在外壩嚴查轉運自無蒙混應請

旨飭下倉場侍郎嚴飭坐糧廳務於外河認真查驗其分駐石壩尤須逐細抽查遇有弊端立即從重嚴懲庶足專責成而杜弊混又奏漕務積弊莫甚於南漕之折色北漕之剝船請嚴禁漕糧折

色並妥立剝船章程均如所請行九月轉掌廣
西道監察御史十四年二月以通州沿河一帶
有奸商開設錢號預備雜物攙和漕米並勾結
船戶偷買偷賣囤積回漕等弊奏請嚴懲疏入
下所司議行三月遷戶科給事中四月稽查鹽
太倉六月充江南鄉試副考官八月提督河南
學政十七年遷光祿寺少卿仍留學政任十八
年七月升大理寺少卿十二月升光祿寺卿十
九年三月稽查右翼覺羅學十月升太常寺卿

二十年三月充會試知貢舉累遷大理寺卿通政使司通政使六月充江西鄉試正考官二十一年充考試漢中書閱卷大臣二十二年八月擢都察院左副都御史十二月以接纂

大清一統志全書告成下部議敘二十三年五月充考試試差閱卷大臣九月充鄉試覆試閱卷大臣十二月升內閣學士兼禮部侍郎銜稽查中書科事務二十四年四月歷充會試覆試

大臣

朝考閱卷大臣六月署兵部左侍郎九月充知武
舉十二月充

文淵閣直閣事二十五年以兵部堂官違例派署
掌印未能察明更正光降三級留任尋授兵部
右侍郎充

朝考閱卷大臣二十六年二月署刑部左侍郎八
月提督浙江學政二十七年轉左侍郎二十八
年調戶部左侍郎兼管三庫事務均留學政任
二十九年調兵部右侍郎三十年三月奏陳時

務四條略言安民必先察吏州縣爲親民之官
以天下之大分治於一千三百餘州縣秩分雖
卑責任綦重近來積習相沿風氣日壞加以捐
例屢開仕途益雜罔識民事之艱難但較缺分
之肥瘠幕友家丁招搖滋事書差胥吏又復從
中舞弊聯絡把持賄囑情託無所不至委靡者
怠玩因循不知振作貪酷者恣睢暴戾惟事誅
求錢糧則任意侵虧詞訟則株連積壓及至衆
怨沸騰輿情不洽上司或有風聞遇事參劾輒

敢挾嫌抵制攻訐多端大吏慮其噬臍姑容不問不特各州縣毫無顧忌卽佐雜末吏亦且相率效尤應請

旨飭令各直省督撫司道振作精神力除積習廉能者據實保舉惡劣者卽參黜勸懲一秉大公毋得瞻徇容隱庶僚屬各知儆畏官方肅而民氣恬矣

國家歲糜糧餉養育兵丁將以收實用也近日營伍廢弛將帥性耽安逸養尊處優備弁徒效趨

承行私媚上以營卒爲廝役操演盡屬虛文以
空名冒錢糧剋扣且以肥己兵嬌將惰習氣已
深加以軍裝器械敝壞不修火礮擡槍練習不
熟陸路兵丁弓馬技藝尙有可觀沿海水師兵
弁於海洋風色沙綫多不諳習出洋會哨奉行
故事以致盜劫頻聞洋面不靖聞從前英夷滋
事水師不俟夷船攏近輒先施放槍礮至夷船
漸近則槍礮熱炸火藥已罄遂至束手無策又
聞兵心退縮往往未見賊蹤聞風解散因而兵

器械臺轉資賊用且軍行毫無紀律沿途恃衆
需索擾地害方動輒鼓噪喧譁竟有本管將官
叩頭哀乞而後前行者軍令不振一至於此夫
練兵必先練將邇來水陸將弁求其材藝出衆
忠勇有餘緩急足恃如昔年之總督楊遇春已
不可得卽如近年之提督尤渤竇振彪亦屬寥
寥設有意需將帥之際何以收指臂之效然則
肅軍政以勵士卒備將才固今日之急務也應

請

飭令各直省將軍督撫提鎮整飭營務革除陋習秉公甄覈鼓勵人才務使有勇知方毋得因循疲玩庶武備修而可收實效矣詰奸除暴以安善良弭盜之方莫如保甲近來盜風愈熾直隸山東陸路行旅往來多被搶劫兩湖三江連年水災盜賊日衆至如河南之捻匪四川之幟匪廣東之士匪貴州之苗匪雲南之回匪又皆肆意橫行目無法紀且到處均有邪教會匪各立名目煽誘鄉愚脅從旣衆蹂躪尤多地方文武恐滋

事端苟且因循惟務姑息書差既叅賊縱容兵弁復得規徇隱州縣之勤幹者有時查訪嚴拏則差役通風武弁解體奪犯戕官往往釀成巨案其庸懦者平時既不以緝捕爲務至報劫頻聞恐干嚴議輒復諱盜爲竊避重就輕以至匪徒益無忌憚若不急爲整頓則盜賊肆行奸匪交接其禍害有不可勝言者應

飭令各直省督撫嚴飭地方文武各官認真緝捕奉行保甲著有成效者據實獎勵疲玩廢弛不知振

作者撤參重處毋許稍爲迴護庶捕務勤而盜
賊斂迹矣直省倉庫錢糧各有定額州縣官如
果儘數徵解前後交代清楚何至虧空盈千累
萬之多其所以致虧空之由厥有數端或執袴
初登仕版習尙奢華或庸愚委任親隨開消浮
溢或負累已深以官項償其私債或交遊太廣
以正款供其應酬及至寅支卯糧東挪西掩有
漕者藉口於幫丁之需索解庫者歸咎於糧價
之增昂夫州縣之賠累原屬有因然使平素果

能潔己奉公量入爲出卽受累亦不致過多乃不善於經理以致剋肉補瘡焦頭爛額道府卽或查知往往礙於情面轉爲曲意彌縫後任慮招眾怨而不敢發上司恐興大獄而不敢參卽使查抄終歸無著是以州縣交代有歷數任而未算結者有合數十州縣而未盤查者前者

欽差大臣會同各督撫清查整理嚴定章程虧短各案業已分別攤賠第恐舊虧未完新虧已續若不實力整頓其弊伊于胡底至杜虧空之法惟以

清理交代爲要應請

飭令各直省督撫督同司道各官於所屬新舊交代之際詳細查明交代未清者不得委署升補實有虧挪者卽行從嚴參辦庶州縣慎重錢糧款項不致虛懸而徵解皆歸實用矣疏入

上優詔嘉納焉四月充會試覆試閱卷大臣咸豐元年正月借署正藍旗蒙古都統明訓承修

福陵工程時

盛京有盜伐

陵山樹株之事

命光與明訓就近提訊尋將知情故縱之總管全喜等
鞠實治如律八月轉左侍郎二年二月充各省
鄉試補行覆試閱卷大臣六月署吏部右侍郎
八月署戶部右侍郎九月歷充順天鄉試覆試
閱卷大臣知武舉三年正月以訊明私硝一案
奏請將吉林佐領依祿等分別治罪先是吉林
堂主事喜林達爲其子德敏貢緣倖進將軍固
慶放缺不公挑甲不遵定制復於依祿查拏私

確明知受賄仍派曾審副都統琦忠隨同標畫
事隔數月始行附參

上命光儲署吉林將軍宗室恩華前往查辦至是均鞠
實職職發遣有差三月充會試知貢舉四月

命赴順天府各屬查勘礦山旋擬定開採章程奏

聞下所司議行十一月充

實錄館副總裁十二月擢工部尙書以捐備軍餉下部
議敘四年正月充

經筵講官二月充

實錄館總裁尋管理三庫事務五月調刑部尙書十月
賜紫禁城騎馬六年二月充各省鄉試補行覆試閱卷

大臣九月充武會試正考官十月

宣宗成皇帝實錄

聖訓告成加三級八年四月

命偕吏部尙書周祖培等辦理五城團防事宜九月署

工部尙書九年三月充會試副考官五月充教

習庶吉士九月充

大考翰詹閱卷大臣十一月以刑部司員辦案草

率未能查出罰俸二年十年正月以辦理秋審
情實錯誤及

京察大典薦舉不實先後鐫級留任三月署兵部
尚書閏三月歷充會試覆試閱卷大臣各省鄉
試補行覆試閱卷大臣十一年九月偕大學士
賈禎周祖培戶部尚書沈兆霖奏言

皇上冲齡踐阼欽奉

先帝遺命派怡親王載垣等八人贊襄政務兩月以來
用人行政皆經該王大臣等擬定

諭旨每有明發均用

御賞及

同道堂圖章共見共聞內外皆相欽奉竊恐非久遠萬全之策不敢保後日之絕無流弊也尋繹襄二字之義乃佐理而非主持也若事無鉅細皆憑該王大臣之意先行定議然後進呈

皇上一覽卽行是名爲佐理實爲主持日久相因中外能無疑慮乎今日之贊襄大臣卽昔日之軍機大臣向來軍機大臣凡事先面奉

諭旨準駁可否悉經

欽定始行擬

旨進呈其有不合

聖意者每逢

硃筆改正此太阿之柄不可假人之義也爲今計之正

宜

皇太后敷中宮之德化操出治之威權使臣工有所稟

承命令有所咨決不居垂簾之虛名而收聽政

之實效準法前朝憲章近代不難折衷至當也